



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 10. Preces solemnes Romæ.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

mam, a S. Francisco restauratam, ubi per Sæcul XIII. annos quadraginta duos versata, complures conversionis suæ socias congregavit. A. C. 1212.

Hoc Instituti pauperum mulierum, Italice *delle povere Donne*, quod nos Ordinem S. Claræ dicimus, exordium fuit.

§. X.

Preces solennes Romæ.

Moniales aliæ, ut superius memoravi, necdum penitus inclusæ erant; quod etiam ex illis Summi Pontificis mandatis dispicimus, quibus hoc anno solennes preces, ad implorandum adversus Mauros in Hispania Dei auxilium, præcepit. Anno millesimo ducentesimo decimo Alphonfus IX. Rex Castiliæ inducias, cum *Abu-abdalla Mabomet, Emiralmu- menin* quarto ex stirpe Almohadum, in Africa & Hispania dominantium, initas fregerat, tumque, bello invicem dicto, Mauri multas urbes in suam potestatem redegerant. Ergo Rex Alphonfus ab omnibus Principibus Christianis, Roderico Archiepiscopo Toletano aliisque Legatis in varias Provincias missis, opem rogavit. Papa quoque, edoctus periculum, Hispaniæ formidandum, datis ad Præsules illius Regni literis, monuit; ab omnibus Regibus Christianis contra Infideles militum subsidia peterent.

Rodrig. 7. c. 34.

idem §. c. 1.

S 4 Cum-

Sæcul. XIII.

A.C. 1212.

13. ep. 183.

14. ep. 3. 45.

14. ep. 154.

155.

Roderic. 8.

c. 1. 2. ep. ap.

Innoc. XV.

182.

vid. Cong.
Gloss.
serviens.15. post epist.
181.

Cumque Rex Castiliæ, Episcopum Segobiensem electum Romam misisset, ad acceleranda auxilia, Pontifex, datis ad Præsules Franciæ & Provinciæ, ac inprimis ad Archiepiscopum Senonensem literis, præcepit; omnes Diocesanos suos hortarentur, ut ad pugnam adversus Mauros, infra octavam Pentecostes anno millesimo ducentesimo undecimo obitandam, proficiscerentur, eandem promittens Indulgentiam, quæ Crucigeris concedebatur. Ita Rex Castiliæ valida agmina non ex Hispania modo sed etiam ex Provinciis ultra montes positis accepit. Non nulli Præsules ad hoc sacrum bellum profecti sunt, ex quibus Archiepiscopus Narbonensis, Arnaldus olim Abbas Cisterciensis, Archiepiscopus Burdegalensis, & Episcopus Nannetensis eminuerunt. Francorum duo millia virorum Equestrium cum suis armigeris, ac præterea decem millia equo, ac quinquaginta millia pedibus militantium adfuerunt. Tunc vulgo *Sergens* gregarii milites, Equestris Ordinis viris in prælio parentes, seu servientes, dicebantur.

Romæ vero Papa omni populo inter preces solemnes, Feria IV. Pentecostes, die decima septima Maji, anno millesimo ducentesimo duodecimo, procedendum esse indixit, ritumque præscripsit

Sæcul. XIII.
A.C. 1212.

in hunc modum: Summo mane mulieres ad S. Mariam Majorem, Clerici ad Basilicam duodecim Apostolorum, & Laici ad S. Anastasiam colligantur, ac exinde omnes ad Forum Lateranense procedant, hoc ordine. Mulieribus Crux S. Mariæ Majoris præferatur, Moniales primæ eant, tum aliæ, omni vestium cultu, in quo vel aurum vel sericum splendet, abjecto, & nudis, quotquot poterunt, pedibus. Clericos præcedant Monachi & Canonici Regulares, Laicos vero Hospitalarii. Congregatis in foro omnibus, Papa cum Episcopis & Cardinalibus intrabit Ecclesiam, quæ Sanctum Sanctorum dicitur, & accepta vera Cruce, ad gradus in medio fori procedet, unde dicet ad populum. Tum mulieres ad Ecclesiam S. Crucis digrediantur, ubi Cardinalium alicujus Missæ intererunt. Papa Missam pro omnibus Clericis Laicisque in Basilica Lateranensi celebrabit, unde nudis pedibus ad S. Crucem transeat. Omnes jejurent, nec pisces, nec cibum coctum comedant, qui poterunt, in pane & aqua jejurent, & largissime eleemosynas dividant.

§. XI.

Alphonfi IX. de Mauris Victoria.

Haud diu post Pontifici redduntur litteræ, a Rege Alphonso scriptæ, in quibus

ap. Inn. XV.
ep. 182.

S 5